

黔陽縣志卷之四

城池

附街巷坊表

王公設險掌固司焉晝夜巡鑿蓋取諸豫夫恃陋而不修君子責其無備况龍標上扼滇黔下控荆襄固楚西保障哉五代以還瓜分雲擾有戒心矣今邑中行若達其道路居者表厥宅里非幸生無事時何以得此牖戶雖安桑土不廢既雨而思綢繆晚已志城郭而以街巷坊表次焉

縣踞龍標山舊為土城明正統十四年毀於苗寇平蠻將

黔陽縣志

卷之四

城池

龍標藏板

軍靖遠伯王驥命指揮楊茂重築土城周圍二百八十餘丈成化八年邑民呈請展城甃石都御史吳琛疏入報可命靖州衛指揮陶武辰州府同知李蒿拓之東北展築一百七十丈周五里通甃以石為五門樓櫓皆備徙哨堡實其中歲撥沅衛官兵戍焉正德六年大水東南傾圯知縣尹秉繕完之隆慶五年復頽於水僅存西北一隅知縣劉輔牟衡相繼重修且拓東隅二里以培地軸更構樓表之東曰寅賓西曰安遠南曰迎薰新南曰宣化北曰拱辰萬歷四十六年知縣韓冲斗因串樓

善北補葺歲費不貲乃改設露埤爲女牆四百丈有奇  
國朝康熙四年知縣張扶翼以東西北三樓頽廢撤而更  
新之

六年南二樓燬於火知縣張扶翼重建九年又燬二十  
七年水暴漲踰城女牆盡圮知縣于棟如繕理五十三  
年知縣劉訥始建二樓復舊觀雍正六年知縣王光電  
因垣樓歲久摧朽捐費修葺五門悉用鐵葉裹之規制  
略脩厥後東門城樓又漸就頽欹乾隆二十年知縣柳  
秉謙復捐建之四十四年知縣葉夢麟以城垣歲久將

黔陽縣志

卷之四

城池

一

龍標藏板

傾請興修撫臣劉墉疏奏

詔從之四十六年知縣高成璉會同芷江知縣張五典領  
帑二萬九千二百有奇修城外邊坍塌六處長二十五  
丈內邊坍塌五段長一百一十六丈女牆坍塌二百四  
十丈又五門城樓朽壞城洞捲拱碎裂悉修復之而西  
北兩門則全改建之四十七年工竣新磚巨石附葺相  
銜欄完整焉城東西廣一里有奇南北袤一里有奇周  
三里有奇高一丈七尺厚八尺有奇門樓號皆從葺東  
西南北各以方名

張扶翼  
修城記

邑城之展拓舊築通甃以石也則自成化壬辰都御史吳公琛始也相繼構樓五門則自隆慶五年縣令劉公輔牟公衡始也撤串屋設露陴爲女牆四百丈有奇則自萬歷四十六年縣令韓公冲斗始也自是以來歲月遷流更歷治亂迄今又百餘年矣夫舊家世族重其寶器什襲而藏之外不之視或至做壞不可用况狐鼠之所窟藏風雨之所飄搖者耶歲久不治宜其敝也余視石城計周五里自西門而北而東石坏以圯雉堞以平巍然存者止迎薰宣化

黔陽縣志

卷之四

城池

三

龍標藏板

二門耳夫綢繆桑土貴其豫也貴其完也苟不敢恃陋而無虞心又孰爲可緩之工哉顧賦不加派則民自急公黔邑之舊凡諸徭役悉以丁糧爲準邑小差繁里民勢不能獨任也計庸慮材賦丈屬役即以准其徭役之數擇能而授之民不知役而工已竣石城之圯者以完雉堞之缺者以補今而后金湯勢固內有衛而外有禦其亦可以保聚我人民矣詩曰今此下民或敢侮予此之謂也康熙四年八月記

街巷

附

正街 自東達西

左街 自北達南 一名長街

右街 自北達南 一名土街

學巷

捕巷 城內

上河街 南門外

下河街 南門外

知縣光甫 改河街記

黔邑河街其初未能安堵也間考舊址

近水列店茅茨不瓦每歲春夏水漲輒漂沒無存或

遇火災臨江風烈火猛延燒殆盡街民受困幾無寧

日康熙四十八年邑紳士危調潘潔傳應太等首倡

改街之議欲去卑就高繞城築室請於前令劉君克

黔陽縣志

卷之四

城池

四

龍標藏板

允所請具詳 府 道均批如議初時出令曉諭街

民憚於遷徙猶不無異論迨後委曲開陳利害旋亦

感悟相率而就今市不數月間誅茅剪地甍瓦參差

頓改舊觀歷年既久商賈雲集貨物輻輳水害既避

火災無聞街以前屏山帶河動登臨之興街以後倚

城傍郭懷安土之思熙熙攘攘商民稱便然則茲市

之興也固賴劉君毅然改建而危調諸君倡議之力

尤不可沒也 電 自蒞茲土訪之邑中父老悉其顛末

因援筆而為之記

坊表附

牧愛坊

縣治前

儒林坊

儒學前

旬宣坊

舊布政分司署右

澄清坊

舊按察分司署左

以上公署坊表

進士坊

為洪武乙丑科進士廖時雨立

登瀛坊

為洪武丙子科舉人周霖立

步蟾坊

為永樂乙酉科舉人向以箴立

文奎坊

為永樂乙酉科舉人蔣誠立

登雲坊

為永樂甲午科舉人陳文愷立

騰霄坊

為永樂癸卯科舉人段景清立

擢秀坊

為宣德己酉科舉人向寧立

折桂坊

為成化乙酉科舉人蔣昂立

孝子坊

雍正六年為危階立

雙節坊

為節婦黃氏楊氏立

黔陽縣志

卷之四

城池

五

龍標藏板

貞節坊

為向朝禮妻瞿氏立

貞節坊

雍正六年為廩生潘浚妻李氏立

貞女坊

雍正十一年為廖必端女立

貞節坊

乾隆四年為韓希利妻王氏立

貞節坊

乾隆四年為湯彥聘妻蔣氏立

節烈坊

乾隆四十三年為潘亦熺妻段氏立

節孝坊

乾隆四十四年為危寵妻蔣氏立

節孝坊

乾隆四十六年為黃文烈妻何氏立

按舊志載有四節坊為二向氏二田氏四節婦立

向晚女未聘向焦女為張明儒妻田氏為張一明

子廷表妻又田氏為明任廷相妻因嘉靖二十三

年冬猫叛剽掠村落四女驚走藏甕泡灘頭巖穴

中為搜邏所逼驅走過灘恐不免汚辱至湍流深

處同赴水死猫退家人求其屍悉獲惟焦女浮水面抱子不釋蓋歸明儒年餘生子數月時當盛暑踰日顏色如生邑令詳聞撫按樹碑致祭萬歷九年余孟呂爲建四節祠直指雷公遺文以祭俱見藝文志今不傳湖廣通志因之府志云麻陽縣志亦載四婦女向晚女向焦女與此同其於二田氏則云一爲向明子廷表妻一爲明侄廷相妻事蹟概同氏籍迥異因考麻陽志載貢生向明在南監聞二女死烈又壇祠載四節祠祀向門四節且知

黔陽縣志

卷之四

城池

十

龍標藏板

縣余夢呂載在職官類年任相符又藝文載雷稽古祭文有萃節烈於一家之語同時邑人田豐田廷諭舒相隆興霖諸人詩有父翁內教兩姑三嫂諸句四節屬麻陽無疑黔志云云不足信也遂據大清一統志改歸麻陽今遵府志不載四節坊但舊志相沿已久仍備錄辯論各條以著刪削之故云